



## TABELLÆ.

## TABELLÆ PURGANTES.

## ELECTUARIUM DE SUCCO ROSARUM.

**R** Succi Rosarum rubrarum recentium, libram unam.  
 Sacchari optimi, libram unam semis.  
 Coquantur in Electuarium solidum igne lento. Inasperge sub  
 finem  
 Trium Santalorum exquisitè tritorum, ana  
 drachmam unam.  
 Mastiches, drachmam unam.  
 Rosarum rubrarum siccarum pulveratarum,  
 unciam semis.  
 Scammonii crudi exquisitè triti, drachmas undecim.  
 Fiant Tabellæ ponderis drachmarum duarum.

## ELECTUARIUM DE CITRO.

**R** Corticis Citrei conditi,  
 Conservæ Florum Violarum,  
 Buglossi,  
 Pulveris Diatragacanthi frigidi, recenter parati,  
 Scammonii crudi, ana unciam semis.  
 Turpethi, drachmas quinque.  
 Zingiberis, drachmam semis.  
 Foliorum Sennæ, drachmas sex.  
 Rhei electi, drachmas duas & semis.  
 Caryophyllorum,  
 Santali Citrini, ana scrupulum unum.  
 Sacchari optimi, in aquâ Rosarum soluti, & ex arte  
 cocti, uncias decem.

Fiat Electuarium solidum dividendum in Tabellas ponderis drachmarum trium.

## ELECTUARIUM DIACARTHAMI.


**R** Medullæ seminum Carthami,  
 Pulveris Diatragacanthi frigidi,  
 Hermodactylorum,  
 Diacrydii, ana unciam unam,  
 Turbith electi, unciam unam semis.  
 Zingiberis, semiunciam.  
 Manna, uncias duas & semis.  
 Mellis Rosati, colati,  
 Carnis Cydoniorum conditæ, ana uncias duas.  
 Sacchari optimi in aquâ soluti, & in Electuarium solidum cocti, libram unam & uncias sex.  
 Fiat Electuarium secundum artem.

## TABELLÆ EMETICÆ.

**R** Tartari Stibiati tenuissimè pulverati, unciam semis.  
 Sacchari optimi, uncias quatuor.  
 Olei Corticis Citrei stillatitii, guttas quinque.  
 Mucilaginis Gummi Tragacanthi, sufficientem quantitatem.  
 Fiant Tabellæ secundum artem.

## TABELLÆ DE RHABBARBARO.

**R** Rhei electi pulverati, unciam semis.  
 Sacchari albissimi in aquæ Naphæ quantitate sufficiente soluti & cocti, uncias quatuor.  
 Fiant Tabellæ secundum artem.



TABELLÆ